

**Taib Hadir Taklimat Tertutup Bersama Menteri Dalam Negeri
Bernama
10 Feb, 2014**

KUCHING, 10 Feb (Bernama) -- Ketua Menteri Sarawak Tan Sri Abdul Taib Mahmud menghadiri taklimat tertutup bersama Menteri Dalam Negeri Datuk Seri Dr Ahmad Zahid Hamidi di Wisma Bapa Malaysia di sini Isnin.

Turut hadir Timbalan Ketua Menteri Tan Sri Alfred Jabu Numpang, Presiden Parti Rakyat Sarawak Tan Sri James Jemut Masing, Presiden Parti Rakyat Bersatu Sarawak Tan Sri Peter Chin Fah Kui dan Ketua Polis Negara Tan Sri Khalid Abu Bakar.

Mengikut jadual awal yang dikeluarkan Kementerian Dalam Negeri (KDN) minggu lepas, taklimat tertutup yang dibuat di Pejabat Ketua Menteri itu berkaitan pilihan raya negeri ke-11.

Namun seorang pegawai KDN yang datang bertemu media memaklumkan perjumpaan itu hanya kunjungan hormat terhadap Taib dan tiada sidang akhbar akan dibuat.

Hampir 30 wartawan media cetak dan elektronik yang mula berkumpul di Wisma Bapa Malaysia sejak 9.30 pagi tidak dibenarkan memasuki kawasan bangunan itu dan hanya menunggu di pintu pagar masuk utama bangunan.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/ge/newsgeneral.php?id=1013159>